

KERATAN AKHBAR

TARIKH : 4 MEI 2024
AKHBAR : BERITA HARIAN
MUKA SURAT : 22

Ekonomi disokong prestasi pembuatan lebih baik

Ekonomi disokong prestasi pembuatan lebih baik

Kenanga Investment Bank Bhd mengekalkan unjuran Keluaran Dalam Negara Kasar (KDNK) Malaysia akan berkembang pada 4.5 hingga 5.0 peratus pada 2024, berbanding 3.7 peratus tahun lalu, berikutan prestasi pembuatan yang lebih baik pada April.

Data pelarasan musim yang dikeluarkan S&P Global, kelmarin menunjukkan Indeks Pengurus Pembelian (PMI) meningkat kepada 49.0 mata pada April daripada 48.4 mata pada Mac, menyaksikan pertumbuhan KDNK pada kadar yang lebih baik.

“Peningkatan itu disebabkan oleh permintaan luar yang meningkat dengan ketara, menandakan pemulihan pertama dalam tempoh 12 bulan,” kata bank pelaburan itu dalam satu nota, semalam.

Secara keseluruhannya, Kenanga Investment Bank mengekalkan unjuran KDNK bagi suku pertama 2024 tidak berubah pada 3.3 peratus berbanding tiga peratus pada suku keempat 2023, berbanding anggaran pendahuluian Jabatan Perangkaan (DOSM) sebanyak 3.9 peratus.

“Pertumbuhan dijangka meningkat pada separuh kedua 2024 berikutan kesan asas yang lebih rendah yang direkodkan tahun lalu,” katanya. **BERNAMA**